

**PEMBERITAHUAN PERTANYAAN BUKAN LISAN DEWAN RAKYAT**

**PERTANYAAN : BUKAN LISAN**

**DARIPADA : DATO' HAJI MOHD FASIAH BIN HAJI MOHD  
FAKEH [ SABAK BERNAM ]**

**SOALAN NO. 284**

Minta **MENTERI KESIHATAN** menyatakan setakat manakah tindakan penguatkuasaan yang telah diambil terhadap produk makanan yang tidak mematuhi peraturan kesihatan termasuklah daripada segi proses pembuatan, pembungkusan, penyimpanan, tarikh luput dan sebagainya bagi memastikan pengguna dilindungi dari segi kesihatan dan keselamatan.

**JAWAPAN**

**Yang di-Pertua,**

Kementerian Kesihatan Malaysia (KKM) sentiasa memantau makanan di pasaran tempatan dan yang diimport bagi memastikan makanan yang dikeluarkan dan dijual di Malaysia adalah selamat dan mematuhi kehendak Akta Makanan 1983 dan Peraturan-Peraturan Makanan 1985.

Sistem kawalan keselamatan makanan Negara dipertingkatkan dengan menjalankan pemeriksaan di setiap peringkat rantai bekalan makanan meliputi sumber bahan mentah, premis pemprosesan, pusat pengedaran, kenderaan pengangkutan dan premis jualan.

Hasil pemantauan yang dijalankan ke atas produk makanan sepanjang tahun 2016 sehingga 2018 mendapati 3,700 (2.6%) daripada sejumlah 143,310 sampel produk makanan telah melanggar peruntukan di bawah Akta Makanan 1983 dan Peraturan-Peraturan Makanan 1985 termasuk kesalahan berkaitan dengan penggunaan bahan yang tidak dibenarkan semasa pemprosesan produk makanan, penggunaan label yang tidak

## **NO SOALAN : 284**

mematuhi perundangan berkaitan dan kesalahan berkaitan dengan tarikh luput produk makanan.

Tindakan penguatkuasaan seperti arahan untuk memanggil balik, memindahkan atau menarik balik penjualan makanan berkaitan dari premis penjualan makanan dan tindakan rampasan untuk tujuan dilupuskan telah diambil ke atas produk makanan yang didapati tidak mematuhi perundangan berkaitan di bawah Akta Makanan 1983 dan Peraturan-Peraturan Makanan 1985.

Sekian, terima kasih.